
**KENYA NATIONAL EXAMINATION COUNCIL
REVISION MOCK EXAMS 2016
TOP NATIONAL SCHOOLS**

**PRECIOUS BLOOD SCHOOL
KISWAHILI
KARATASI YA 3**

SCHOOLS NET KENYA
Osiligi House, Opposite KCB, Ground Floor
Off Magadi Road, Ongata Rongai | Tel: 0711 88 22 27
E-mail: infosnkenya@gmail.com | Website: www.schoolsnetkenya.com

PRECIOUS BLOOD KCSE TRIAL AND PRACTICE EXAM 2016

102/3

FASIHI

KARATASI YA TATU

SEHEMU A: USHAIRI – LAZIMA

1. SHAIRI A

Wewe,
Utazame mlolongo wa
Waja unaoshika njia likiwapo;
Unaofuata pembe za barabara zisokuwapo,
Kwenda kuisaka auni,
Kuitafuta kazi inayowala chenga.

Itazame migongo ya wachapa kazi,
Watokwao na jasho kapakapa na,
Wanaotafunwa uhai na jua liso
huruma:

Wakiinua vyuma na magunia,
Wakiinua makontena,
Wakichubuka mashambani,
Wakiumia viwandani,
Wakiteseka makazini,

Halafu
Uangalie ule ujira wa kijungu meko,
Mshahara usokifu haja,
Nguo zisizositiri miili dhaifu,
Kilo chao kisichokuwa na machozi,
Na
Ujiangalie
Mwili wako unaomereta ujana wa ufanisi,
Gari lako la kifahari lililozibwa vioo,

Jumba lako la kujishasha kama uwanja mdogo,
Malaki ya pesa unayomiliki,
Ujiitapo mwajiri kwa raha, hunusi usaha wa hali yao?

Maswali

- (a) Je, mashairi haya mawili ni ya aina gani? Toa sababu. (alama 2)
- (b) Taja dhamira kuu katika kila shairi. (alama 2)
- (c) Kwa kutoa hoja zozote **tatulinganua** mashairi haya kiumbo. (alama 3)
- (d) Taja na ueleeze **nafsi-nenewa** katika mashairi haya mawili. (alama 2)
- (e) Kwa kutolea mfano **mmoja mmoja** eleza matumizi ya mbinu hizi za kimtindo katika shairi la A. (alama 2)

(i) Kweli-kinzani

SHAIRI B

Dunia kitendawili, hakuna ateguaye;
Dunia kama tapeli, hadaa nyingi ujuye;
Dunia mwenye akili, inampiku na yeye;
Dunia ina mizungu, tena yapika majungu.

Dunia na yake hali, hupumbaza hatimaye;
Dunia ina akili, binadamu sichezeze;
Dunia uwe na mali, huiwezi dhorubaye;
Dunia ina mizungu, tena yapika majungu.

Dunia wenye muali, ambao waichezeze;
Dunia kipigo kali, huwakumba hatimaye;
Dunia wakaja kuli, “menipata nini miye?”
Dunia ina mizungu, tena yapika majungu.

(ii) Mishata

- (f) Tambua **idhini** ya kishairi iliyotumika katika neno “Waicheze” na uelezee dhima yake katika utoshelezi wa kiarudhi. (alama 1)
- (g) Dondoa mfano **mmoja mmoja** wa mbinu ya tashhisi kutoka kwenye mashairi yote mawili. (alama 2)
- (h) Andika ubeti wa **tatu** katika **shairi la A** kwa lugha nathari. (alama 4)
- (i) Eleza maana ya msamiati huu kama ulivyotumika katika vifungu hivi. (alama 2)
- (i) Inampiku.
- (ii) Makontena.

SEHEMU YA B: MSTAHIKI MEYA: TIMOTHY AREGE

Jibu swali la 2 au 3

2. “Nanyi vilevile msikate tamaa. Endeeleni kushinikiza kumwona Meya. Mlango hatimaye huenda ukasalimu amri ---”
- (a) Eleza muktadha wa dondoo hii. (alama 4)
- (b) Taja tamathali zozote **mbili** za lugha zilizotumika katika dondoo hii. (alama 4)
- (c) Eleza ni kwa nini wanaorejelewa wanakaribia kukata tamaa. (alama 8)
- (d) Eleza sifa **mbili** za mnenaji. (alama 4)
3. Viongozi katika bara la Afrika wameonyesha hali ya juu ya kutowajibika. Eleza dhana hii kwa kurejelea tamthilia ya Mstahiki Meya. (alama 20)

SEHEMU YA C: RIWAYA

KEN WALIBORA: KIDAGAA KIMEMWOZEA

Jibu swali la 4 au 5

4. “Ujenzi wa jamii mpya ni jukumu la vijana.” Jadili kwa kurejelea riwaya hii. (alama 20)
5. Mwandishi kama huyo watu hukutana naye kwa nadra sana.
- (a) Eleza muktadha wa dondoo hili. (alama 4)
- (b) Tambua mbinu iliyotumika katika kauli hii. (alama 2)
- (c) Toa mifano mingine **saba** ya matumizi ya mbinu hii katika riwaya hii. (alama 14)

SEHEMU YA D: HADITHI FUPI: DAMU NYEUSI

KEN WALIBORA

Jibu swali la 6 au 7

6. “Alitembea kando ya barabara kwenye kijia cha wapitia njia huku akinyapia nyapia nyapunyapu na kupepesuka kama mlevi chakari”.
- (a) Eleza muktadha wa dondoo hili. (alama 4)
- (b) Anayerejelewa katika dondoo hili alikuwa anaenda wapi? (alama 2)
- (c) Eleza sifa za anayerejelewa katika muktadha kuu. (alama 6)
- (d) Mhusika huyu yuko na umuhimu gani katika hadithi husika? (alama 5)
- (e) Eleza mbinu zozote **tatu** ambazo zimetumiwa na mwandishi katika Muktadha huu. (alama 3)

7. MIZIZI NA MATAWI: ALI ABDULLA ALI

- (a) Eleza sifa mbili na umuhimu wa wahusika wafuatao katika hadithi ya **MIZIZI NA MATAWI:**
- (i) Bi. Mkubwa. (alama 3)

(ii) Bi. Kidura. (alama 3)

(iii) Sudi Abdalla. (alama 4)

(b) Taja na ueleze jinsi maudhui ya mapenzi yanavyojitokeza katika hadithi hii.(alama 10)

SEHEMU YA E: FASIHI SIMULIZI

8. (a) Maghani ni nini? (alama 2)
- (b) Eleza sifa za maghani. (alama 6)
- (c) Fafanua aina zozote **tatu** za maghani. (alama 6)
- (d) Taja na ueleze umuhimu wa maghani. (alama 6)